

Nunna Leng



Postal Regn. No. MZR - 16
e-mail : nunnaeng23@gmail.com

Rawngbawl tura chhandam

Pastor Qtr. : 2326992
Editor : 82579 02084

Volume- 42 Issue No:11

Electric Veng KTP Chanchinbu (Kar tin chhuak) Ni 13.04.2025 (Pathianni)



LAWRKHAWM

Pastor Programme

Vawiin (Tumkau Ni) chawhma Electric Vengthlang ah thupui a sawi anga, chawhnu Aizawl Venglai ah a sawi thung ang.

Inkhawm Thawhlawm

March ni 06 (Pathianni) inkhawm thawhlawm :

Puitling SS - ₹39,670/-
Masihi - ₹ 1870/-
Naupang SS - ₹25,095/-
Zan - ₹24,390/-

Buhfaitham

March ni 07 (Thawhtanni) zing buhfai-
tham 1575 kgs hralhna
atangin ₹31,500/- hmuh a ni.

Nilaini Zan

March ni 09 (Nilaini) zan inkhawmah
thunun pakhat a awm.

Ramthar Bawm

Vawiin nileng leh
zanah te Ramthar Bawm
dawh a ni dawn a. Kohhran
mipuite thahnemngai taka
thlak turin kan inngen e.

Kohhran Hmeichhe Hriattirna

Vawiin chawhma
inkhawm banah kohhran
hmeichhe member zawng
zawngte thahnemngai
taka hla zir tur a ni e.
Thingpui leh a hmeh a
awm ang.

Ramthar Zin

Zanin inkhawm
banah Good Friday leh
Easter Sunday hmanga
kan missionary awmna
hmuna zin turte Commit-
tee Room 2-ah in hmuh
khawm tur a ni.

Kohhran Zaipawl

Kohhran inkhawm
banah kohhran zaipawl ten
hla zir tur a ni.

Tumkau Ni

Kum tin Tumkau Ni a lo thlen hian Kalhlen Kut hun laia Jerusalem-a Lal Isua sabengtung chung a LAL anga a luhdan hriatrengnan Mizoramah chuan Tumkau Niah tumkau nen Kohhran Sande Sikul naupangten 'Hosanna' tiin Marka ziaik Bung 11:9-10 (Tin a hmaa kalte leh a hnung lama rawn zuite chuan "Hosanna! Lalpa hminga lo kal chu fakin awm rawh se, Ram lo thleng tûr, kan pa Davida ram chu chawimawiin awm rawh se. Chungnung berah khian Hosanna," tiin an au va.) hmanga au rualin zingkarah kawng an zawh thin a, hemi lo chhuahna chu :-

Kum 1934 Tumkau Ni khan Zosap Missionary Pi Zaii chuan Mis-
sion Veng Kohhran Sande Sikul Primary
Department naupangte huikhawmin,
Sande Sikul banah tumkau vaia zai
chungin an kohhran Sande Sikul Depart-
ment dangte an tlawh kual thin a, Lal
Isua chawimawina hla chi hrang hrangte
sa rualin an hlim hle thin. Hei hi a bul
tanna leh hmasa ber a ni.

Kum 1938 a lo herchhuah meuh
chuan Zosap Missionary Pu Mena
hovin Tumkau Ni, chawhma Sande Sikul
banah Mission Veng Kohhran leh
Kulikawn Kohhran Sande Sikul
naupangte chuan tumkau kenga
kawngzawhin an intawkkhawm ta thin
a. Hetah hi chuan Pathian faka zai rual
mai lovin Marka 11:9-10 hmangin an
au rual ta a ni. An intawkkhawm chu an
hlim thei hle. Hun a lo kal zel a, Tumkau
Ni a tumkau nen Lal Isua chawimawina
kawngzawh chu Mizoram Presbyterian
kohhran hrang hrangte chuan kan Zosap
Pi Zaii leh Pu Mena tihdan entawnin an
lo ching chho ta a. Tunah tak phei chuan
Presbyterian Kohhran chauh ni lovin
kohhran hrang hrangin Tumkau Ni ah
tumkau nen Lal Isua chawimawina
kawngzawh kan lo nei ta a ni.

Nimahsela, Tumkau Ni a
kawngzawh chawhma Sande Sikul bana
neiha bul tan kha tunah chuan zingkarah
neih thin a ni ta daih a. He zingkara
kawngzawh sawn hun hi hriat
mai a ni lo thung.

Kohhran hun pawimawh a nih
angin kan kohhranah pawh chawhma,
chawhnu leh zanah Special Programme-
a hun hman tur a ni a. Kohhran mipuite
he hun hi ngaipawimawha inkhawm
theuh turin kan inngen e. Hun hman dan
tur chu hetiang hi a ni :-

Chawhma Inkhawm : (Dâr 10:30 AM)

Hruaitu : Upa H. Lalrammawia
Tantu : Pi Lalngaihawmi
Thupui : Lalpan a duh a ni
Chhiar tûr : Matthaia 21:1-5
Thuhriltu : Upa Hmingthanga

Chawhnu Inkhawm : (Dâr 1:30 PM)

Hruaitu : Rev. H.L. Thianghlina
Tantu : NI. Janet V.L. Hmangaihzuai
Thupui : Hosanna!
Chhiar tûr : Sam 118:25-26; Marka 11:7-10
Thuhriltu : Pu Rochhunga Ralte

Zan Inkhawm : (Dâr 7:00 PM)

Hruaitu : Upa Lalthlengliana Pachuau
Thupui : Krista chawimawina kawng
Chhiar tûr : Johana 17:1-5; Philippi 2:5-11
Thuhriltu : Rev. K.C Vanlalduha

Zan Vên Inkhawm

Lal Isua mantira a awm zan
(Maundy Thursday) hi 'Zan Ven' tih te,
'Venpui Zan' tih tea sawi pawlh a ni a,
SEC chuan 'Pathian Biak Inkhawm
Hruaina Bu'-a inziak ang hian Zan Ven
Inkhawm tih ni se,' tiin a rel a. Tlang
hrang hranga hman dan inang lo hi inang
tlanga hman tha a ti a, chutiang chuan
kalpui a ni zui ta a ni. Kan kohhran pawhin
kum tin kan lo hman thin angin April 17
(Ningani) zan hian **Zan Ven Inkhawm**
in hun kan hman leh dawn a. He hunah
hian Lalpa Zanriah Sakramen buatsaih a

ni dawn a, kan Bialtu Pastor Rev.
Zothansanga'n a theh ang. Lal Isua tuarna
leh lungngaihna kan tawmpuina a ni tih
hria in kohhran mipuite inkhawm vek
turin kan insawm e.

Zan Vên Inkhawm

Ni 17.4.2025 (Ningani) Zan dar 7:00

Lalpa Zanriah Sakramen

Thehtu : Pastor Zothansanga
Thupui : Thihna khawp hiala
lungngaihna Isuan a phur
Chhiar tur : Matthaia 26:36-39
Zaipawl : Kohhran Zaipawl

EDITORIAL BOARD

Editor

F. Lalnunpuii

Jt. Editors

Laltianzova Chawngthu
Lalrozama Ralte
Vanzamawii
Zomuansangi

Computer Operators

R. Lalbuatsaiha
Laldinpuia
H.V. L. Malsawma
Kenneth Zonunmawia
Lalremmawii Khiangte
Lalnghaihawmi

News Editors

Lalchhanchhuaha
Eddie Lalmuanpuia
Lalnghaihawma
Lalmalsawmi
K. Lalrempuii

Cir. Managers

Vanlalchhuantea
V. Lawmsangzuala
Vanneihtluanga

Treasurer

Zomuani Ralte

Branch News



April ni 06 (Pathianni) zan kohhran zaipawl hla zir dan :

GROUP	Group OB	Group Committee	Member zawng zawng
Branch Committee	32		
Matthaia Group	6	22	29
Marka Group	6	26	34
Luka Group	5	20	25
Johana Group	6	26	35
Hla zir zawng zawng	123		



April ni 07 (Thawhtanni) zan group inkhawm dan:

GROUP	Member zawng zawng	Dar 6:45-a thu hman
Branch Committee		
Matthaia Group	60	17
Marka Group	51	22
Luka Group	53	16
Johana Group	52	10
Chhimtu & CYS	192	
Inkhawm zawng zawng		408
Thawhlawm zat		₹ 10,820



April ni 12 (Inrinni) khan KTP sihfa Branch-te chuan sumtuakna atan vengchhungah tumkua an rawn zawr a. Branch Committee-ten a thul ang ang lo buaipuiin lo dawn sawn a ni.



April ni 7 (Thawhtanni) khan Branch-in a kan sponsor pakhat chu a course a hmang zo a, an khaw lama a haw na tur ngaihtuah sak a ni.



Ramthar Veng kohhranin an Jubilee puala faklam intihsiakna a buatsaih turah kohhran committee-in tel min rem tihsak angin, ngawrh taka zir mek zel a ni a. Kohhran aiawha tel turte member-ten i thawngtaipui mawlh mawlh ang u.



Evangelism hmalakna in mi pakhat sponsor belh leh a ni a, heti hian tun dinhmunah Branch chuan mi pathum kan sponsor mek a ni.

Group News

Matthaia Group

Member-te inkhawm lamah leh kohhran zaipawl rawngbawlinaah te tel theuh turin an insawm.

Member-te inkhawm kal hma lama than la sauh sauh turin an inngen.

Marka Group

Member-te kohhran inkhawm leh kohhran zaipawl hla zirnaah a tam thei ang ber tel turin an insawm.

April 17 (Ningani) zan hian Venpui Zan hman a ni leh dawn a, group member-te tel theuh turin an insawm.

Luka Group

April ni 10&11 zanah khan group sumtuak hnattlang neiin Dry Clean (Tumble Dry) tur lakkhawm a ni a, member thawk chhuak zawng zawngte leh sumtuakna tur lo thawh zawng zawngte chungah lawmthu an sawi.

Kohhran zaipawl hla zir, kohhran leh KTP inkhawm bakah inkhawm kal hma lama than la zel turin an insawm.

April ni 17 (Ningani) zana Calvin School chungah Venpui Zan programme kan hman turah group member a tam thei ang ber tel turin an insawm.

Johana Group

Kohhran zaipawl hla zirnaah hma an sawn zel avangin lawmthu an sawi a, a tam thei ang ber tel zel turin an insawm.

Kohhran leh KTP inkhawm kal hma lama than la zel turin an insawm.

Venpui Zan

Lal Isua an khenbeh kar hi 'Lungngaih Hapta' a nih angin, Kum tina kan hman thin 'Venpui Zan' chu April ni 17 (Ningani) zan kohhran inkhawm ban hian Calvin School chungah hman leh tur a ni a. KTP member-te tel theuh turin kan inngen a. Kohhran mipui a duh apiang te pawh in he hun hi min hman pui turin kan insawm a ni. Hun hman dan tur chu a hnuaia mi ang hian :-

Hruaitu : Nl. Zodinpui Ralte
Zai hona a tam thei ang ber neih a ni ang.

Editorial

Wawin hi Kristiante ni pawimawh Lal Isua al anga ropui taka Jerusalema a luh ni 'Tumkau Ni' a ni a. Kan kohhran Sunday school naupangte pawhin he ni pual hian zingkarah zirtirtute nen tumkau kengin vengchhungah Lal Isua chawimawi nan tumkau kengin kawng an zawh a nih kha. Lal Isuan khawvela rawng a bawl chhungin vawikhat chiah chawimawin a awm a ni tih kan hria in kan ngaithla fo thin awm e, Pathian laka mihrang ni tawh, kan dam leh theih na tur atana he khawvela hrehawm tinreng rawn tuartu in chawimawi a hlawh ve na ni awmchhun ah hian thinlung leh tihtak zetin, amah fakin i chawimawi ang u.

Isua khawvela a len lai ni zawng zawngte kha mitthla ila, Jerusalema al anga a luh ni a ropui taka Jerusalem miten an chawimawi hi a lawmawm hle a ni. He chawimawinain a entir chu Hnehna, Hnehtu leh Inngaitlawnmna te a ni. Hnehna avanga lawmna, dik taka rorel vanga Hnehtu chawimawina leh Inngaitlawm avanga chawimawina te a entir a ni.

'Tumkau Ni' hi ringtute tan chuan a hlu em em a, Lal Isua chawimawia a awmna ni ah hian keini pawh in kan thinlung chhungiril ber atangin a tan chawimawina hlan thar leh ila; sabengtung no, tu ma la chuan ngai lohna leh ropui taka Jerusalema lut Isua an inzawm ang khan, kan nun leh Isua hi inzawm tlat se la. A hman atan inpe thar leh ang u. Kan chungah chuang turin Isua hi sawm thar leh ila, mihringte ngaiha thawmkailo leh bawlhhlawh ni mah ila, Ani chuan thianghlimah min la pawm a; miten enga tana hman tur nge kan ni tih min zawh pawn,"Lalpan min duh a ni," tia chhan i tum ang u.

ZING THAWNGTAI INKHAWM HRUAITU

Ni 14.04.2025 (Thawhtanni)

Hruaitu : Pu H. Rotluanga

Ni 15.04.2025 (Thawhlehi)

Hruaitu : Pi Saptawni

Ni 16.04.2025 (Nilaini)

Hruaitu : Pu Lalthanpuia

Ni 17.04.2025 (Ningani)

Hruaitu : Pi Zothankimi Pachuau

Ni 18.04.2025 (Zirtawpni)

Hruaitu : Pu Vanlalsawma

Ni 19.04.2025 (Inrinni)

Hruaitu : Pi Lalrinsiami

Ni 20.04.2024 (Pathianni)

Hruaitu : Upa F. Lallura



❖ Isua Krista Rinna leh Amah anna kawnga thalaite hruai

❖ Kohhran Hnathawh tihpuitlin



❖ Kohhran Kutke ni tura thalaite buatsaih

❖ Krista Chanchintha puan darh

ISUA CHUANNA SABENGTUNGNO - T. Upa R.Lalramnghaka

Pathian khawngaihna kum 2025 Tûmkau Nî kan lo thleng leh ta a. A lâwmawm tak zet a ni.

Chanchin tha bu palitea kan hmuh Tûmkau Nî chungchâng hi a thawnthu chu kan bel tlâng hle vekin a rinawm a (Matt. 21:1-11; Mark. 11:1-11; Luk. 19:28-40; Joh. 12:12-19). Vawiin Tûmkau Nî-ah hian Lal Isua chuanna Sabengtungno chungchâng aţang hianzirho tûr kan han chhawp chhuak dawn a ni.

Lei leh vâv siamtu leh rorêltu, thuneiha zawng zawng neitu chuan he leia rawng a bâwl lai khân ropui taka Jerusalem-a a luhnâna a chuan nân sakawr pian nalh leh chak tha tak emaw sakawr tawlailr mawi tak emaw thlang lovin, sabengtungno, tu ma la chuan ngai lohna a thlang tlat mai a. Heta sabengtungno lo awm hi a remchâng tawn fuh palh a ni mai lo va; zâwlnei Zakaria'n "Ngai rawh, i Lal i hnênah a lo kal e; Mi fel a ni a, hnehtu a ni; inngaitlâwm takin sabengtung chungah a chuang a, sabengtungno chung ngeiah." (Zak 9:9) tiin a lo hrilh lâwk diam a ni.

Kan Lal Isua'n ama chuan nâna sabengtungno a thlang tlat hi a inngaitlâwmna avâng a nih piah lamah sabengtung chungchângah hian ringtute'n zir tûr kan neiin a lang a. Fingvâr taka sawi ni lo mah se, sabengtung hi a chhawrtu tana rinawm tlat, hel ngai lo leh thuawih tak a nih hi a chakzia emaw a pian mawizia emaw a finzia emaw aiin sawi a ni fo va, a hrâm rî pawh a mawi hauh lo. Tawngkam uchuak deuhva mi deusawhna atân a hming hi an hmang fo zâwk nghe nghe âwm e. Chumi chung ngeia chuang chung chuan Lal Isua hi chawimawina nasa tak nen Jerusalemah a lût tih kan hria.

Chhinchhiah tlâk tak mai chu Lal Isua'n chawimawi a hlauh rual hian a chuanna sabengtungno hi a mawi tel zêl hi a ni. A chungah chuang Lalpa ropuina

leh zahawmna avângin ni danga a la tih ngai hauh loh puan phah chungah a kal ngeuh ngeuh mai zu nia.

Ringtute'n kan duh-sâm zîngah hian Lal Isua rawngbâwltu leh Amah chawimawitu nih hi a langsâr pâwl a nih a rinawm a. Mahse, Pathian rawngbâwl inti chungah mahni mawina leh hamthatna tur vei tel tlat châng te, mahni kan inthlir dân aţanga mi dangte zilh leh fuih theia inngaia thiltih mai châng te, chhuanlam eng emaw avânga Pathian min duhna zâwn aia mahni remruat tan tlat châng te, A duhzâwnga kan awm theih nana min tanpuina tûr aia kan duhzâwng zâwna a tanpuina dîl chiam chângte pawh ringtute'n kan nei thei a. Chutiang kârah chuan Lal Isua hman tak tak theih nih a harsa a, a duh ang taka taksa leh thlarauvah thuam theih pawh kan ni thîn lo. Kan nunah Lal Isua aiin keini kan langsâr thîn a, rawngbâwlina hming pu thiltih atam a nih pawhin a nung thei lo va; Setana leh sual ram thiahin a awm thei chuang hek lo.

Chu'ngte chu kan lo nih thîn hlauh chuan vawiin Tûmkau Nî-ah hian Lal Isua Krista thu ang zêla awm mâwl mai turin a thu hnuaiah tlu lût thar leh ila; a Thlarau Thianghlimin Amah min hriat fiah belhtir ang a, thinlung leh nun min siam tharin min hmangaihzia leh min duhsak ziate pawh min tawn fiahtir zêl ang a. Kan thil neih mai ni lovin kan nunah a inchawimawi zêl ang a. A mawina târ lanna kan nih ve chuan ama rualin kan lang mawi ve zêl dawn a ni.

Lalpa'n malsâwm theuh che u rawh se.



HOSANNA

Lei leh vana lal ber, min chhandamtu kan Lal Isua Krista kha, khawvela a len laia lal anga chawimawi a hlauh ve ni awm chhun chu vawiin Tumkau Ni hi a ni a, chu mi denchhen chuan keini Kristiante pawhin kawngte zawhin kan au rual thîn a; ni chhinchhiahtlak leh pawimawh tak a ni a, a ni reng baw ang.

'Tumkau' hi Bible chhung thua hmu tur a awm nual a. Roreltu Debori khan tum thing hnuaia thuin ro a rel thîn a (Ror 4:5). Sam zia kah pawh mi dikte chu tum thing anga an duah tur thu kan hmu (Sam 92:12). Johana chuan lalthutthleng hmaa mipui tam tak, tumkau kenga Beramno hmaa ding a hmu a (Thup 7:9). Chubakah tumkau hi chakna leh hnehna leh remna entirnan hman a ni thîn a; Rom infiam mi, intihsiaknaa chakte chu tumkau an hlan thîn. Chuvangin, ropui taka Jerusalem-a Isua a luh ni a tumkau kenga an lo chawimawi khan Isua chu lal a nihzia a tilang baw.

Chanchintha bu li-ah hian Johana chiah hian 'tumkau' hi a zia kah lang a (Jn12:13), Marka ve thung chuan, "mi dangin lova mi chhawlt satin an phah baw a," a ti a (Mk 11:8). Matthaia pawhin, "thinga mi chhâwl an sât," tiin a sawi baw (Mt 21:8b). Chanchintha bu hmasa pathum ziahtute chuan kawng dunga 'puan phah' thu hi an zia kah vek a (Mt 21:7b, Mk 11:8a; Lk 19:36). 'Puan phah ni' emaw, 'Chhâwl phah ni' emaw ti loa 'Tumkau Ni' tih a nih bik kherna chhan hi eng nge ni ta ang? Chanchintha Johana zia kah a lan danin, Jerusalem lam aţanga lo kalte chauh kha tumkau rawn keng anga ngaih theih a ni a (Jn 12:13), a zir bing mite sawi danah, Jerusalem hi hmunhma sang lama awm a nih avangin tum thei (palm date) an ching ngai lo a; chutiang a nih

si chuan an tumkau ken hi khawia mi nge ni ang? Chanchintha bu li-te hi Isua thih aţanga kum 50/60 hnu lama zia an ni tih kan hria a; an thil hmuh leh hriatte kha a indawt dan kilh kelhin an zia kah vek bik lo tih a chiang reng mai. Thil thleng an han chhui let hnuaia, an zia hun laia a awmzia an hriat thiam dan ang angin an zia kah tih pawh a lang thei a. Chuvangin tumkau ken chungchang ziahtu ber Johana pawh hian thil thleng ngaih pawlin, Jerusalem aţanga lo chhuakte chauh hi tumkau rawn keng angin a zia kah ta mai pawh a ni thei e.

Zawlnei Zakaria hrilhlawkna rawn tifamkim tura kan Lal Isua Krista, ransa tlawm tak sabengtung chungah chuanga Jerusalemah a rawn luh ni khan (Zk 9:9), mipuiten, "Lalpa hminga lo kal chu fakim awm rawh se!" tia auin chibai an lo buk a; kha ni kha keini Kristiante tana ni awmze nei a nih ang takin, vawiin Tumkau Ni-ah pawh, kan thinlung Tumkau i chawi sang theuh ang u!



Thil tha ti atan Krista Isuaah chuan siama awmna ama kutchhuak kan ni si a; chu thil tha tih chu kan awmna turin Pathianin a buatsaih lawk a ni. (Ephesi 2:10)



Kohhran Inkhawm Programme

Sunday School

Tumkau Ni Special Programme

Chawhnu

Tumkau Ni Special Programme

Zan

Tumkau Ni Special Programme

Nilaini Zan

Thupui : Kohhran siamthat hun laia inthenna

Chhiar tur : Luka 22:14-20; Ephesi 2:8-10

Tantu : Pi Vanrampani

Thupuihawngtu : Pu H.K. Zahnuna

Inrinni Zan

Tawngtai inkhawm leh rilru sawi

Hruaitu : Upa V. Lalhlupua

Tantu : Pi Zosangpuii

CNI Inkhawm Programme

Hruaitu : Tv. Lalmalsawma

Tantu : Angela Lalhruaizeli

Thusawitu : Nl. Lalmalsawmi

CYS Inkhawm Programme

Hruaitu : Nl. Claudia V.L. Hruaitluangi

Tantu : Vanlalremruati, Luka Group

Bible chhiar rual kaihruaitu : Lalruatfela, Marka Group

Thusawitu : Tv. Lalfakzuala



KTP Inkhawm Programme

Tawngtai Inkhawm

Hruaitu : Nl. Laura Lalrohlui, Johana Group

Tantu : Tv. Anggu Laltlanhlua, Matthaia Group

Thlengtu : Branch

Thawhtanni Zan Inkhawm

Hruaitu : Tv. Hmingthansanga

Tantu : Nl. Lalmuanpuii

Thusawitu : Pu Laltlanzova Chawngthu

Rinna Thutiam hlan leh tawngtai rual



Masihi Sangati Inkhawm Programme

Sunday School

Tumkau Ni

Thusawitu : Upa Lallungmuana

Thawhlehi Zan Inkhawm

Hruaitu : Upa Zohmingliana

Tantu : Nl. Nikita

Thusawitu : Pi Flora Laltanpuii



Kohhran Hmeichhe Inkhawm Programme

Thawhlehi Zan Inkhawm

Hruaitu : Pi Lalsangpuii, B-6

Tantu : Pi Hmangaihzuai, B-4(1)

Bible chhiar rual : Buhfaitham Bial 4(5,6) 5(1)

Thusawitu : Pi K. Thantluangi



KPP Inkhawm Programme

Tawngtai Inkhawm

Hruaitu : Pu K. Zohmingliana, Gr-I

Thawhtanni zan inkhawm

Short Sermon leh Hla Zir Inkhawm

Hruaitu : Pu Lalthakima Rokhum, Gr-II

Tantu : Pu Vanlalsiama, Gr-III

Thuchah tawi : Pu Lalhuliana Hlondo, Gr-I

Thawhlawm : Pu Tluangmanga, Gr-II

khawntute : Pu Lalmuṭhaa, Gr-II



Naupang Sunday School Zirlai

Pre Beginner Department

Tantu : Pi Jessie Remruatdiki

Thilpek : Lalpekhlua, Lalthansangi Sailo,

lakhawmtute : Grace Lalmawipuii

Beginner Department

Zirlai 41-na : Sabengtung chungah Isua a chuang

Thilpek : Bella Laldusaki, K. Lalnunsiaama,

lakhawmtute : Ethan Lalrinnggheta,

Daphne Lallawmzuai

Primary Department

Zirlai 41-na : Isua an chawimawi

Tantu : Myra Lalrinhlui

Thilpek : Oliver Lalbiaktluanga,

lakhawmtute : Alvin Remruatfela Hmar,

P.C. Lalrinnunga, P.C. Lalruathlua

Junior Department

Zirlai 41-na : Gethsemane huanah Isua a tawngtai

Tantu : J. Felix Remruattluanga

Thilpek : C. Lalbiakthanga, C. Lalruathlua,

lakhawmtute : Justin Zoremawia,

H. Lalbiaksanga

Intermediate Department

Zirlai 41-na : Jerusalem-ah Isua lal angin a lut

Tantu : Samuel Lalpekhlua

Thilpek : C. Malsawmdawngzela,

lakhawmtute : Lalpekhlua Pachuau, Remsangpuia

Sacrament Department

Zirlai 41-na : Zanriah Hnuhnung

Tantu : Lalremruata Sailo

Thilpek : Zoremawii

lakhawmtute : Lalnunfeli

Senior Department

Zirlai 41-na : Isua a lungngai

Tantu : Malsawmzuai

Thilpek : Joyce Lalngaihzuai Fanai,

lakhawmtute : Priscilla Malsawmtluangi,

Stacy Lalnunnemi, Thlamuanawmi

Lungngaih Hapta

(Source : Isua Nun leh a zirtirna - Rev. Vanlalzuata)

Lal Isua leh a zirtirte hapta khat chhunga an hun hman dan chu hetiang hian Marka zia a tanging lo thlir ila:

Chawlhni : Ropui takin Jerusalem-ah a lut a, temple a tlawh a, tlai lamah Bethani-ah an kir leh a.

Thawhtanni : Bethani a tanging Jerusalem-a an kal a, kalkawngah theipui kung anchhia a lawh a, Temple a thian fai.

Thawhlehi : Mite a zirtir a, zawhna tam tak an zawt .

Nilaini : Bethani ah hriak thih a dawng. Juda Iskariota leh puithiam lalte an inbe fel ta.

Ningani : Marka nu pindanah zanriah hnuhnung an kil. Olive tlang an pan. Gethsemane huan an lut a, chumi zana chuan man a ni ta.

Zirtawpni : Lal Isua an khengbet.

Inrinni : Isua thlanah a awm mek. Mitthi tawhte hnenah Chanchin Tha a la hril zel.

Chawlhni : Thlan thim a tanging Isua a tholeh.

NUNA HARSATNA NEITE TAN

Church Counsellor - 9436374339

KTP Evangelism Chairman - 9862376339

KTP Evangelism Secretary - 9862876300